

SENTRALBORD:
53 48 21 30

REDAKSJONEN:
53 48 21 45

VAKTTELEFON:
53 48 21 31

ANNONSER:
53 48 21 35

25.06.2018

Valutakursar:
Dollar: 8,09 kroner.
Euro 9,4 kroner.
Britiske pund 10,7 kr
Baht 24,32 kroner

LME-pris aluminium:
2.179,5 dollar per tonn.



VÊRET

Vi er nesten redde for å skriva det, i fare for å «jinxa» det, som ungdommane seier. Men Yr.no spår svært så lovande sommarvêr dei neste dagane fram mot helga og Festidalen. Temperaturen ser ut til å bli rundt 18-19 grader både i dag, onsdag, torsdag og fredag. Det skal bli sol, og viktigast av alt – null regn!

SOL & MÅNE

26. juni: Sola opp kl. 4.16, i sør kl. 13.40, ned kl. 23.03. Dagen har minka 2 min. frå sommarsolsnu. Månen ned kl. 3.45, opp kl. 21.02.
27. juni: Sola opp kl. 4.17, i sør kl. 13.40, ned kl. 23.03. Dagen har minka 3 min. frå sommarsolsnu. Månen i sør kl. 0.41, ned kl. 4.14, opp kl. 22.04.
28. juni: Sola opp kl. 4.18, i sør kl. 13.40, ned kl. 23.03. Dagen har minka 4 min. frå sommarsolsnu. Månen i sør kl. 1.29, ned kl. 4.53, opp kl. 22.55.

FLO OG FJØRE

26. juni:		28. juni:	
Fjøre	4.37	Fjøre	6.00
Flo	10.58	Flo	12.18
Fjøre	16.56	Fjøre	18.12
Flo	23.21		
27. juni:			
Fjøre	5.20		
Flo	11.40		
Fjøre	17.36		
Flo	23.58		



KNALL: Vamp leverte varene i Riddersalen søndag ettermiddag, og varta opp med både gamle klassikarar og nyare låtar.

Vamp i storform

Vamp kan kunsten å veksla mellom mjukt og hardt, råtøft og rørande i løpet av ein og same konsert.

MONA GRØNNINGEN
mona@kvinnheringen.no

Laurdag og søndag spelte Vamp to utselde konsertar i Riddersalen til Baroniet Rosendal, der publikum verkeleg fekk valuta for pengane. Kvinnheringen var innom på søndag, og underteikna fekk stadfesta mistanken: Vamp består av ein gjeng eineståande musikarar med stort spekter som leverer knakande flotte konsertopplevingar gong etter gong.

Konserten fekk ein pangstart med dei to fengande låtane «Amalia» og «Eimert i puss», før stemninga blei var og vakker med «Støyp i rav» og «Det rolige regnet».

– Kvar gong vi er i Rosendal, så regnar det. Men i fjor spelte vi inn video i baronihagen til «Det rolige regnet» med tekst av Lars Saabye Christensen,

og då passa det godt, fortalde Øyvind Staveland til publikum.

Kontrastane heldt fram utover konserten, med både gamle klas-

sikarar som «Et uansvarlig dikt», «13 humler», «Kim du nå va», og «Tir n'a Noir» og nyare låtar frå dei siste platene. Vamp har også

to svært kontrastfylte vokalistar i Jan Toft og Odin Staveland, som veksla på å synga. For mange er det Toft som er den «originale» Vamp-vokalist. Han sa ikkje mykje til publikum, men showa med til tider eksentriske kroppsrørslar og skikkeleg innleving. Staveland på si side gjorde heller ikkje skam på Vamp. Han og dei andre i bandet serverte ein av låtane Staveland er mest kjent for å syngja, «Liten fuggel», som ein av dei siste låtane på konserten. Heilt til slutt forlét bandet instrumenta sine, og varta opp med «Onkel» i a capella-versjon. Dette var rett og slett ei vitamin-innsprøyting på ein noko kjøleg sommardag!